

**ՀԱՄԱՌՕՏՈՒԹԻՒՆ ՃՆՆԴԵԱՆ ԵՒ ԴԻՊՈՒԵԺՈՑ
ՄԱՆՈՒԷԼ ՇԱՀԻՆԵԱՆ ԿԻՒՄԻՇԽԱՆԱՑԻ ՊԵՏՄԱՐԱՆԻՍ
1835 Ի ՍՈՒՐԲ ԽԱԶ ՎԱՆՍ ՂՐԻՄՈՅ. *)**

Առաջնորդական կառավարութիւնք ի Տփլիս:

Լուսաւոր մտաց լուսարանեալ է Տէրունեան վճիռ ամենայն, որ զփափուկսն զգեցեալ են ի դրունս թագաւորաց են: Վասն նախնի ճշմարիտ աշակերտի բանին Հարքն մեր ոչ են հոգսունակեալք, այլ արտաքին զարթուց Հոգևոր անձանց, եթէ ոչ միայն ուսման մանկութեան և վարուց մաքրութեան:

Նմին իրի մինչ ի 1800 թիւն Փրկչական ոչ էր սովորութիւն յազգի մեր Հոգևորականաց մեր ունել զմարմնական զարթարանս, որ եղև ի Յովսէփ Արղութով արքեպիսկոպոսէ պատճառեալ խանգարումն նազելի բարեկարգութեանց եկեղեցւոյ և եկեղեցականաց մերոց:

Քանզի յիշեալ Արք Եպիսկոպոսն՝ յընտրիլն իւր Հայրապետ ի Ռուսաստան երկու քահանայից, ի Թիֆլիզ երից, պարանոցի շղթայիւ խաչ տալով, ճանապարհ եղև եւ Եփրեմ Հայրապետի զնոյն Վեհափառութիւն գործել. բայց երկաքանչիւրոցն ևս իբր արժանաւոր անձանց առհաւատչեայ հաւատարիմ ծառայութեանց ձրիապէս պարգև ի Վեհադունէ առ ստորագրեալսն իւր շնորհ ծաւալէին:

Նաև Ներսէս Արք Եպիսկոպոսն յընթացս տաան և չորս ամ Առաջնորդութեամբ իւրով ի Տփլիս և ի վիճակս նորին, հազիւ չորս քահանայ ձեռնադրեալ իցէ, և այն ըստ կանոնի եկեղեցւոյ՝ ձրիաբար, առանց մարմնաւոր ակնկալութեանց յումեքէ, որպէս վկայեն ամենեքեան, որք գիտեն զնա:

Իսկ յաւուրս Առաջնորդութեան Յօհաննէս Արք Եպիսկոպոսի յընթացս տաան ամսոց, այսինքն, ի 1830 ի նոյեմբերի մէկէն, մինչի 1831 սեպտեմբերի 6, յորում աւուր ել ի Տփլիսու, տաան և հինգ քահանայից խարէ փիլոն, հասարակ կամ ծաղկեայ զանազան գոյնք, զանազան գնովք, մեք դիցուք միաշար տաանական թուման: Տաան քահանայից մախմուր արախճին կամ թաղղայ, ևս տաան թումանով, որ է սլառիւ աւաղապատիւ քահանայի:

*) Տես «Արարատ» 1916 թ. Յուլիս-Օգոստոս էջ 592—598.

Քսան և հինգ քաղաքական և գիւղական քահանայից խաչք պարանոցի, քսանական թուամանովք, վաթսուեն և չորս նորընծայ քահանայից օրհնութեանց՝ ձեռամբ այլ և այլ եպիսկոպոսաց, քսան և հինգական թուամանով, որք ամենեքեանքն արծաթ մանէթ թիֆլիզու թուամանք են, որոց մէկ թուամանն տասն մանէթ է առ նոսա միշտ: Յայտ է թէ ի վերոյ գրեցելոց գումարն է երկու հազար երեք հարիւր յիսուեն թուաման, որ լինի Երևանու հինգ հազար ութն հարիւր եօթանասուեն և հինգ թուաման. բայց յայսց պաշտօնավաճառութեանց և Սիմոնական արդեանց, տարեկան եկամուտք ի վիճակէ և ի քաղաքէ և ի պսակաց, ի հոգէրաժնից, ի հասից և ի չհասից և յայլ պատճառս, անպակաս հազար երկու հարիւր թուամանք լինին ամենայն ըստ յամէ: Այլ և Հաժտարխանու Առաջնորդ Գայլակերեան Յօհաննէս եպիսկոպոսի վախճանմանն զկնի, տասն հազար բուրլի փողն եհաս առ նա, որ էր երկու հարիւր յիսուեն թուաման թիֆլիսու դրամ և չորս սնդուկ եկեղեցական զարթք և զգետք, յորոց եօթն հարիւր թուամանի շուրջառ և այլ եկեղեցական զարթարանս վաճառեաց թիֆլիզու եկեղեցեացն: Նոյնպէս ի Կայսերէ երեք հարիւր ոսկի, այսինքն ինն հարիւր մանէթ, առաջին ճանապարհորդութեանն և վեց հազար մանէթ Հայրապետ Օծութեանն իբր ծախուց գումար ստացաւ շնորհիւ Ղրաֆ Պասգեիչին, այս ամենեցուն գումարաց գումարն եղև, ըստ վերնոյն հինգ հազար հինգ հարիւր իննսուեն թիֆլիզի թուամանք, որ լինի տասն երկու հազար, ինն հարիւր եօթանասուեն և հինգ երևանու թուաման:

Այս գումարք Արդեանց, արտաքոյ Աթոռային արդեանց գոյացան յընթացս միոյ տարւոյն, նաև վասն պարտուց որ խընդրեալ էին ի Կայսերէ, ի 1835 ամին, տասն և հինգ հազար մանէթ ի գանձարանէ իբր պարտք՝ շնորհեցաւ, որ ընդ վերնոյն լինի գումարաց-գումարք երևանու տասն և վեց հազար եօթն հարիւր քսան և հինգ թուամանք: Ի հրաժարիլ Եփրեմ Հայրապետին մնացեալ էր միայն ութն հազար թուաման Աթոռային հին պարտք:

Յայտ է թէ այժմ յետ պարտուցն վճարման, կիսով չափ և ևս յաւելաւ գումար արդեանցն, եւ զոր յառաջն վասն պարտուց որ խոստացաք գրել, այժմ ըստ լրութեանն յայտնեցան և զկնի կաթողիկոսութեան սոյն Հայրապետի ելանեն տարաձայնութիւնք ի միարանսն, են պատճառ այսպիսի անյայտ լինելն, որ ի կարգին:

Պատճառ գնալոյն իմոյ ի Տփլիս:

Յորժամ սրբազան Հայրապետս ունէր գալ ի Թիֆլիզ, բար-
ւոք գիտէր թէ Աթոռային միաբանութեանց անձանօթք են եւրո-
բական կարգաց գրութիւնք և կառավարութիւնք, վասնորոյ
վկայութեամբ Ահաւորին կամ էր նմա ունիլ զիս ընդ իւր ի
Տփլիս:

Իբրև լցան ամենայն բաղձանք իւր և կարգադրեցան ոճք
գրութեանց, եկին և կուտեցան բնիկ հարազատ միաբանքն, նա-
խանկատ լինիլ հարց եղև մեզ ի պարագայիցն, վասնորոյ խընդ-
րամատոյց եղէ, ոչ գնալ իմ ընդ նոսա յԱթոռն, այլ հրաման տալ
կամ ի Հաղբատ և կամ ի Սևան գնալ ըստ օրինի հոգևորականաց
անցուցանել զմնացեալ կեանս: Բայց նա ետ ինձ զայս հրամա-
նագիր:

«Ի Յօհաննէս Արք եպիսկոպոսէ ամենայն Հայոց՝ բարձր
«բարեհաճութեամբ հաստատելոյ ի կաթողիկոսութիւն Սրբոյ
«Աթոռոյն էջմիածնի

« Լնիք Առ բարձր արժանապատիւ Մանուէլ վարդապետն
յառաջադրութիւն:

«Որովհետև Տփլիսու Սէյտապատ եղեալ Սուրբ Սարգիս
«ուխտատելին սեպհականեցաւ Սրբոյ էջմիածնի, վասնորոյ և մեզ
«հարկ ի վերայ կայ հոգունակ լինել վասն շինութեան և պայծա-
«ռութեան նորին առ ի հիմանէ նոր ի նորոյ վայելուչ բարեձևու-
«թեամբ կառուցանել, ընդ սմին և քանի մի սենեակս յարմարաւոր
«կազմել ի բնակութիւն եկաւորեալ ուխտաւորաց:

«Առ այս նկատելով զխոհական գովանի կառավարութիւնս
«ձեր, և զարիաջան հետեւունս վասն աթոռապատկան գործոց,
«տամ ձեզ զամենայն կառավարութիւն նորա անկախ զումեքէ,
«զորոյ արդիւնս միանգամայն ունիք վայելել ի պիտոյս ձեր, վասն
«հաւատարիմ հպատակութեանդ Սրբոյ Աթոռոյն:

«Ուրեմն պարտ է քեզ գնալ և բնակիլ անդ, և յորդորելով
«զաստուածասէր ժողովուրդս յօգուտ Սրբոյ Եկեղեցւոյն, սկիզբ
«առնել շինութեանն արժանաւոր եղանակաւ տնօրինելով, զոր
«որպէս յուսամս, ունիք անմահ յիշատակ և անթառամ պարծանք
«թողուլ քում ծերութեան: Եւ այլն յանձնելով զձեզ շնորհաց և
«խնամոց Սուրբ Աստուածութեանն եմ ձեզ բարեացակամ, բար-
«ձրագոյն հաճութեամբ հաստատեալ կաթողիկոս ամենայն Հայոց
«Յօհաննէս: Ի 1831, ի 6 սեպտ. ի Տփլիս, № 485»:—

(Շարունակելի)